摛藻堂四庫

全書

薈

曾要

子部


欽定四庫全書管要子部


詳校官主事 课末





辯生於末學各務售其師之說非二師之道本然也孔 者曰我祭則受福不明思哉儒墨同是堯舜同非桀紂 儒譏墨以上同兼爱上賢明鬼而孔子畏大人居是邦 同修身正心以治天下國家奚不相悦如是哉余以為 不非其大夫春秋畿專臣不上同哉孔子汎愛親仁 A. 日本公本的 世而名不稱不上賢哉孔子祭如在幾祭如不祭 ?濟衆為聖不兼爱哉孔子賢賢以四科進衰弟子 墨子


讀墨子






























於定四華全書一个 自著也宋館閣書目稱十五卷六十一篇 夫在孔子後隋書經籍志亦曰宋大夫墨翟 則 目亦合惟六十一篇之中其八篇有錄無書 其目次缺者十為正得六十一為與館閣書 本所列篇数終於第七十一與漢志合而 探然其書中多稱子墨子則門人之言非所 十三篇者殆即此本歟墨家者流史罕著錄 ·陳振孫書錄解題所稱又有一本止存五 湿汗 JI. 按

其清淨取諸老其慈悲則取諸墨韓愈送浮 盖以孟子所開無人育居其名然佛氏之教 盖得其真而讀墨子一篇乃稱墨必用孔孔 屠文楊序稱偶名墨行墨名偶行以佛為墨 其書亦至今不很耳第五十二篇以下好兵 物亦有足以自立者故其教得列于九流 必用墨開後人三教婦一之說則未為寫論 在彼法之中能自告其身而時時利濟于

是能傳其術之証矣乾隆四十二年八月恭 事其徒因採撫其術附記於末觀其稱弟子 禽清釐等三百人已持守固之器在宋城上 疑因五十一篇言公翰般九攻墨子九拒之 家言其文古典或不可句讀與全書為不類 總養官臣紀的臣陸躬能臣孫士毅 校 官臣陸 ۱, 貴 墀



欽定四庫全書首要卷一萬一千五十七子部 墨子卷 親士第

入國而不存其士則亡國矣見賢而不急則緩其君矣

未曾有也昔者文公出走而正天下桓公去國而霸諸

侯越王句踐遇吳王之醜而尚攝中國之賢君三子之

能達名成功於天下也皆於其國抑而大配也太上無 大·NI D D A ALIA

非賢無急非士無與慮國緩賢忘士而能以其國存者

難而易彼衆人自易而難彼君子進不敗其志內完其 者必得其所欲馬未聞為其所欲而免其所惡者也是 情雖雜庸民終無怨心彼有自信者也是故為其所難 敗其次敗而有以成此之謂用民吾聞之曰非無安居 之下分議者延延而支尚者路路馬可以長生保國臣 故偏臣傷君諂下傷上君必有弗弗之臣上必有盜路 也我無安心也非無足財也我無足心也是故君子自 下重其爵位而不言近臣則暗遠臣則喻怨結於民心

無益之子是故不勝其任而處其位非此位之人也不 盛難守也故雖有賢君不愛無功之臣雖有慈父不愛 故比干之殖其抗也孟賁之殺其勇也西施之沈其筆 今有五錐此其銛銛者必先挫有五刀此其錯錯者必 也具起之裂其事也故彼人者寡不死其所長故曰太 先靡是以甘井近竭招木近伐靈龜近灼神蛇近暴星

· 語諛在側善議障塞則國危矣禁紂不以其無天下之

士邪殺其身而喪天下故曰歸國實不若獻賢而進士

巴田县 在 车面

其直如矢其平如砥不足以覆萬物是故谿狹者速涸 水不潦潦大火不燎燎王德不堯堯者乃千人之長也 非一源也千益之裏非一孤之白也夫惡有同方取不 者事無解也物無達也故能為天下器是故江河之水 勝其爵而處其禄非此禄之主也良弓難張然可以及 取同而已者乎盖非兼王之道也是故天地不的的大 致君見尊是故江河不惡小谷之滿已也故能大聖人 高入深良馬難乗然可以任重致遠良才難令然可以

不能流國矣 修身第一

君子戰雖有陳而勇為本馬喪雖有禮而哀為本馬士

不親無務來遠親戚不附無務外交事無始終無務多 雖有學而行為本馬是故置本不安者無務豐末近者

業舉物而間無務傳聞是故先王之治天下也必察週

來遠君子察過而過修者也見不修行見毀而反之身

逝淺者速竭境确者其地不育王者淳澤不出宫中則

不信者行不果據財不能以分人者不足與友守道不 髮隳巔而猶弗舍者其惟聖人乎志不强者智不達言 無以竭恭出於口者無以竭馴暢之四支接之肌膚華 道也貧則見廉富則見義生則見爱死則見哀四行者 不可虚假反之身者也藏于心者無以竭愛動於身者 聲無出之口殺傷人之孩無存之心雖有訴託之民無 者也此以怨省而行修矣智思之言無入之耳批打之 所依矣故君子力事日殭願欲日逾設壯日盛君子之

譽揚天下言無務為多而務為智無務為丈而務為察 勞必不圖慧者心辯而不繁說多力而不伐功此以名 幾雄而不修者其後必情源濁者流不清行不信者名 萬福物不博辯是非不察者不足與遊本不固者末必 故以彼智無察在身而情反其路者也善無主於心者 不留行莫辯於身者不立名不可簡而成也譽不可巧 必耗名不徒生而譽不自長功成名遂名譽不可虚假 反之身者也務言而緩行雖辯必不聽多力而伐功雖

子墨子言見染絲者而數曰染於蒼則着染於黃則黃 為士於天下者未當有也 而立也君子以身戴行者也思利尋馬忘名忽馬可以 禹染於阜陶伯益湯染於伊尹仲虺武王染於太公周 公此四王者所染當故王天下立為天子功名蔽天地 可不慎也非獨染絲然也國亦有染舜染於許山伯陽 所入者變其色亦變五入必而已則為五色矣故染不 所染第三

吳闔間染於伍負文義越句踐染於范蠡大夫種此五 朔王胜中行寅染於籍春髙彊呉夫差染於王孫雒太 於管仲鮑叔晉文染於舅犯高偃楚莊染於孫叔沈尹 哆殷紂染於崇侯惡來厲王染於厲公長公榮夷公坐 舉天下之仁義顯人必稱此四王者夏桀染於干辛推 君所染當故霸諸侯功名傳於後世記吉射染於長柳 王染於傅公夷祭公殼此四王者所染不當故國殘身 九為天下學舉天下不義辱人必稱此四王者齊桓杂

身為刑戮宗廟破滅絕無後類君臣離散民人流亡舉 宰嚭知伯瑶染於知國張武中山尚染於魏義偃長宋 要故也不知要者所染不當也非獨國有染也士亦有 適危身逾辱此六君者非不重其國爱其身也以不知 天下之貪暴計擾者必稱此六君也凡君之所以安者 何也以其行理也行理生於染當故善為君者勞於論 康染於唐鞅仙不禮此六君者所染不當故國家殘亡 人而佚於治官不能為君者傷形費神愁心勞意然國

取足日車至書 人 能成者無有雖至士之為將相者皆有法雖至百工從 梁其友皆好仁義淳謹畏令則家日益身日安名日祭 子墨子曰天下從事者不可以無法儀無法儀而其事 謹所堪者此之謂也 處官得其理矣則段干木禽子傳說之徒是也其友皆 好矜奮創作比周則家日損身日危名日辱處官失其 理矣則子西易牙堅刁之徒是也詩曰必擇其所堪必 法儀第四

天下之為父母者衆而仁者寡若皆法其父母此法不 百工辯也然則奚以為治法而可當皆法其父母奚若 者雖不能中放依以從事猶逾已故百工從事皆有法 懸無巧工不巧工皆以此五者為法巧者能中之不巧 事者亦皆有法百工為方以矩為園以規直以繩正以 者眾而仁者家若皆法其學此法不仁也法不仁不可 仁也法不仁不可以為法當皆法其學奚若天下為學 所度今大者治天下其次治大國而無法所度此不若

奚以知天之欲人之相爱相利而不欲人之相惡相 若皆法其君此法不仁也法不仁不可以為法故父母 者也天必欲人之相爱相利而不欲人之相惡相賊 天天之所欲則為之天所不欲則止然則天何欲何惡 故口莫若法天天之行廣而無私其施厚而不德其明 學君三者莫可以為治法而可然則奚以為治法而可 久而不東故聖上法之既以天為法動作有為必度於 以為法當皆法其君奚若天下之為君者衆而仁者電

定日車公告

而天與禍乎是以天欲人相愛相利而不欲人相惡相 國皆天之邑也人無幼長貴賤皆天之臣也此以其不 天必禍之日殺不辜者得不祥馬夫奚說人為其相殺 也以其兼而爱之兼而利之也奚以知天兼而爱之兼 而利之也以其兼而有之兼而食之也今天下無小大 相爱相利也故曰爱人利人者天必福之惡人賊人者 之兼而食之邪天苟兼而有食之夫奚說以不欲人之 **撈羊豢犬豬潔為酒醴梁盛以敬事天此不為兼而有**

得福者有矣惡人賊人以得禍者亦有矣 是也愛人利人以得福者禹湯文武是也愛人利人以 其人多故天禍之使遂失其國家身死為修於天下後 贼也昔之聖王禹湯文武兼愛天下之百姓率以尊天事 世子孫毀之至今不息故為不善以得禍者無利幽属 鬼其利人多故天福之使立為天子天下諸侯皆賓事 之暴王桀紂幽厲兼惡天下之百姓率以詬天侮鬼賊

喜誅罰不能威七患也以七患居國必無社稷以七患 官室一患也邊國至境四鄰莫救二患也先盡民力無 守備四隣謀之不知戒五患也所言不忠所忠不信六 用之功賞賜無能之人民力盡於無用財寶虚於待客 患也畜種菽栗不足以食之大臣不足以事之賞賜不能 拂四患也君自以為聖智而不問事自以為安疆而無 子墨子曰國有七惠七患者何城郭溝池不可守而治 · 鱼灰四月在1 三患也仕者待禄游者憂及君修法討臣臣攝而不敢

毅不收謂之僅二殼不收謂之早三殼不收謂之凶四 穀不收謂之魄五穀不收謂之儀歲饉則仕者大夫以 節也五穀盡收則五味盡御於主不盡收則不盡御 守城敢至國領七惠之所當國必有殃凡五穀者民之 則不可事故食不可不務也地不可不力也用不可不 下皆损禄五分之一旱则损五分之二凶則损五分之 仰也君之所以為養也故民無仰則君無養民無食

三鳃則損五分之四饑則盡無禄禀食而巳矣故凶饑

可睡台槽

騑塗不去馬不食栗婢妾不衣帛此告不足之至也今 朝之衣不革制諸侯之客四鄰之使雍食而不盛徹縣 食不足則反之用故先民以時生財固本而用財則 歲善則民仁且 良時年歲山則民各且惡夫民何常 歲凶民饑道餓重其子此疚於隊其可無察邪故時年 有負其子而汲者隊其子於井中其母必從而道之今 存乎國人君徹鼎食五分之五大夫徹縣士不入學君 之有為者寡食者眾則歲無豐故曰財不足則反之時

書曰禹七年水殷書曰湯五年早此其離山餓甚矣然 無去之心不能輕出夫無待湯之備故放紂無待武 而民不凍餓者何也其生財密其用之節也故食無備 足故雖上世之聖王豈能使五穀常收而旱水不至哉 栗不可以待凶饑庫無備兵雖有義不能征無義城郭 然而無凍餓之民者何也其力時急而自養儉也故夏 不備全不可以自守心無備慮不可以應卒是若慶忌

王之備故殺無約貴為天子富有天下然而皆滅亡於

|之所實也故周書日國無三年之食者國非其國也家 備車馬衣表奇怪苦其役徒以治宫室觀樂死又厚為 傷民見凶儀則亡此皆備不具之罪也且夫食者聖人 棺槨多為衣裹生時治臺榭死又修墳墓故民苦於外 三者國之具也故曰以其極賞以賜無功虚其府庫以 也食者國之寶也兵者國之爪也城者所以自守也此 府庫單於內上不厭其樂下不堪其苦故國離寇敵則 百里之君者何也有富貴而不為備也故備者國之重

無三年之食者子非其子也此之謂國備 子墨子曰古之民未知為宫時就陵阜而居穴而處下

带履便於身不以為辟怪也故節於身誨於民是以天

是故聖王作為官室便於生不以為觀樂也作為衣服

以别男女之禮謹此則止費財勞力不加利者不為也

潤濕邊足以圉風寒上足以待雪霜雨露官牆之高足

潤濕傷民故聖王作為官室為官室之法曰高足以避

官室臺榭曲直之望青黄刻鏤之飾為官室若此故左 右皆法象之是以其財不足以待凶饑賬孤寡故國貧 則與此異矣必厚作飲於百姓暴奪民衣食之財以為 人治役修其城郭則民勞而不傷以其常正收其租稅 而温夏則不輕而清聖王以為不中人之情故作誨婦 不可不節古之民未知為衣服時衣皮帶菱冬則不輕 而民難治也君實欲天下之治而惡其亂也當為官室 下之民可得而治財用可得而足當今之主其為宫室 食之財家足以待旱水凶餓者何也得其所以自養之 知貴也刻鏤文采不知喜也何則其所道之然故民衣 絲麻相布網以為民衣為衣服之法冬則練帛之中足 而足矣非祭耳目而觀愚民也當是之時堅車良馬不 以為輕且清謹此則止故聖人為衣服適身體和肌膚 則費而不病民所苦者非此也苦於厚作做於百姓

易贍也府庫實満足以待不然兵革不頓士民不勞足

墨子

情而不感於外也是以其民儉而易治其君用財節而

僻而難治其君奢侈而難諫也夫以奢侈之君御好淫 作紋於百姓暴奪民衣食之財以為錦繡文采靡曼衣 僻之民欲用無亂不可得也君實欲天下之治而惡其 以身服此非云益腴之情也單財勞力畢歸之於無用之鑄金以為鉤珠玉以為佩女工作文采男工作刻鏤 衣服則與此異矣冬則輕煙夏則輕清皆已具矣必厚 以此觀之其為衣服非為身體皆為觀好是以其民淫 以征不服故霸王之業可行於天下矣當今之王其為欽定四庫至書

炙魚鼈大國累百器小國累十器前方大目不能偏 欲無亂不可得也君實欲天下治而惡其亂當為飲 飲食如此故左右象之是以富貴者奢侈孤寡者凍 分處故聖人作誨男耕稼樹藝以為民食其為食也 亂當為衣服不可不節古之民未知為飲食時素食而 民富國治今則不然厚作紋於百姓以為美食獨養於 以增氣充虛殭體適腹而已矣故其用財節其自養儉 不能编操口不能徧味冬則凍冰夏則飾饐人君為

饑人君為舟車若此故左右象之是以其民饑寒並至 之故法令不急而行民不勞而止足用故民歸之當今 紡織而修文采故民寒男子離其耕稼而修刻鏤故民 於百姓以飾舟車飾車以文采飾舟以刻鏤女子廢其 可以任重致遠其為用財少而為利多是以民樂而利 故聖王作為舟車以便民之事其為舟車也全固輕利 之王其為舟車與此異矣全固輕利皆已具必厚作飲 不可不節古之民未知為身車時重任不移遠道不至 拘女外無寡夫故天下之民衆當今之君其蓄私也大 能更也何以知其然聖人有傳天地也則日上下四時 私不以傷行故民無怨宮無拘女故天下無寡夫內無 也真天壤之情雖有先王不能更也雖上世至聖必蓄 也則曰陰陽人情也則曰男女禽獸也則曰牝牡雄 於四海之內天壤之情陰陽之和莫不有也雖至聖不 治而惡其亂當為舟車不可不節凡回於天地之間包

故為姦衰多則刑罰深刑罰深則國亂君實欲天下之

蓄私不可不節凡此五者聖人之所儉節也小人之所 淫佚也偷節則昌淫佚則亡此五者不可不節夫婦節 程繁問於子墨子曰聖王不為樂昔諸侯倦於聽治息 而天地和風雨節而五穀熟衣服節而肌膚和 拘無大男子失時故民少君實欲民之衆而惡其寡當 於鐘鼓之樂士大夫倦於聽治息於等瑟之樂農夫春 國拘女累千小國累百是以天下之男多寡無妻女多

之治天下也不若武王武王之治天下也不若成湯成 自作樂命日象周成王因先王之樂命日騶虞周成王 成功立無大後患自作樂命曰九招武王勝段殺紂環 樂此譬之猶馬駕而不稅弓張而不弛無乃非有血氣 天下自立以為王事成功立無大後患因先王之樂又 者之所不能至邪子墨子曰昔者堯舜有第期者且以 **東里日車至書** 禮且以為樂湯故桀於大水環天下自立以為王事

耕夏耘秋飲冬藏息於聆缶之樂今夫子曰聖王不為

亦樂已若之何其謂聖王無樂也子墨子曰聖王之命 矣今聖有樂而少此亦無也 也多寡之食之利也以知餓而食之者智也因為無知 此觀之樂非所以治天下也程繁日子曰聖王無樂此 湯之治天下也不若堯舜故其樂逾繁者其治逾寡自 墨子卷一

欽定四庫全書會要卷一萬一千五十八子部 墨子卷二

尚賢上第八

之富人民之衆刑政之治然而不得富而得貧不得衆 而得寡不得治而得亂則是本失其所欲得其所惡是 子墨子言曰古者王公大人為政於國家者皆欲國家

不能以尚賢事能為政也是故國有賢良之士衆則國 其故何也子墨子言曰是在王公大人為政於國家者

言曰不義不富不義不貴不義不親不義不近是以國 後國之良士亦將可得而眾也是故古者聖王之為政 家之治厚賢良之士寡則國家之治薄故大人之務將 家之珍而社稷之佐也亦必且富之貴之敬之譽之然 賢良之士厚乎徳行辯乎言該博乎道術者乎此固國 之譽之然後國之善射御之士將可得而衆也況又有 鱼灰匹库全書 口譬若欲衆其國之善射御之士者必将富之貴之敬 在於衆賢而已曰然則衆賢之術將奈何哉子墨子言

謀曰我始以遠為無恃今上舉義不辟遠然則我不可 謀曰始我所恃者親也今上舉義不辟親疎然則我不 舉義不辟貧賤然則我不可不為義親者聞之亦退而 不為義建至遠鄙郊外之臣門庭庶子國中之衆四鄙 上舉義不辟近然則我不可不為義遠者聞之亦退而 可不為義近者聞之亦退而謀曰始我所恃者近也今 之富贵人聞之皆退而謀曰始我所恃者富貴也今上

之萌人聞之皆競為義是其故何也日上之所以使下

· 足日事 全書

高予之爵重予之禄任之以事斷予之令日爵位不高 之盗其無自出是其故何也則上得要也故古者聖王 深宮牆立既謹上為鑿一門有盗人入闔其自入而求 者一物也下之所以事上者一術也譬之富者有髙牆 徳就列以官服事以勞殿賞量功而分禄故官無常貴 三者授之賢者非為賢賜也欲其事之成故當是時以 則民弗敬蓄禄不厚則民不信政令不斷則民不畏舉 之為政列德而尚賢雖在農與工肆之人有能則舉之

立而功業彰而惡不生則由得士也是故子墨子言曰 士者所以為輔相承嗣也故得士則謀不困體不勞名 中授之政西土服故當是時雖在於厚禄尊位之臣莫 不敬懼而施雖在農與工肆之人莫不競勘而尚意故 庖厨之中投之政其謀得文王舉閱天泰顛於置罔之 此若言之謂也故古者堯舉舜於服澤之陽授之政天 下平禹舉益於陰方之中授之政九州成湯舉伊尹於 而民無終賤有能則舉之無能則下之舉公義辟私怨

钦定四車全書

子墨子言曰今王公大夫之君人民主社稷治國家欲 為政本也曰自貴且智者為政乎愚且賤者則治自愚 且賤者為政乎貴且智者則亂是以知尚賢之為政本 修保而勿失胡不察尚賢為政之本也何以知尚賢之 得意賢士不可不舉不得意賢士不可不舉尚欲祖述 堯舜禹湯之道將不可不以尚賢夫尚賢者政之本也 尚賢中第九

也故古者聖王甚尊尚賢而任使能不黨父兄不偏貴

邑者使治邑凡所使治國家官府邑里此皆國之賢者 也賢者之治國家也蚤朝晏退聽微治政是以國家治 能故可使治國者使治國可使長官者使長官可使治 然後聖人聽其言迹其行察其所能而慎予官此謂事 者抑而廢之貧而賤之以為徒役是以民皆勸其賞畏 其罰相率而為賢者以賢者衆而不肖者寡此謂進賢 富不嬖顏色賢者舉而上之富而貴之以為官長不肖 題故唯昔三代聖王堯舜禹湯文武之所以王天下正 賢人歸之以此謀事則得舉事則成入守則固出誅則 接內有以食機息勞將養其萬民外有以懷天下之賢 梁之利以實官府是以官府實而財不散賢者之治邑 食故國家治則刑法正官府實則萬民富上有以潔為 也蚤出暮入耕稼樹藝聚菽栗是以故栗多而民足子 人是故上者天鬼富之外者諸侯與之內者萬民親之 酒醴來盛以祭祀天鬼外有以為皮幣與四鄰諸侯交

其手馬古者聖王唯母得賢人而使之般爵以貴之裂 諸侯者此亦其法已既曰若法未知所以行之術則事 猶若未成是以必為置三本何謂三本曰爵位不高則 夫豈為其臣賜哉欲其事之成也詩曰告女憂恤誨女 也故古聖王高予之爵重予之禄任之以事斷予之令 民不敬矣蓄禄不厚則民不信也政令不斷則民不畏 可以不執善承嗣輔佐也譬之猶執熱之有濯也將休 予鬱孰能執熱鮮不用濯則此語古者國君諸侯之不

地以封之終身不厭賢人唯母得明君而事之竭四肢欽定四庫全書 美善在上而所怨謗在下寧樂在君憂戚在臣故古者 貨者不能分人以禄事則不與禄則不分請問天下之 為政高予之爵而禄不從也夫高爵而無禄民不信也 聖王之為政若此今王公大人亦欲效人以尚賢使能 能親其上哉故先王言曰貪於政者不能分人以事厚於 日此非中實愛我也假籍而用我也夫假籍之民將豈 之力以任君之事終身不倦若有美善則歸之上是以

矣是以入則不慈孝父母出則不長弟郷里居處無節 出入無度男女無別使治官府則盗竊守城則倍畔君 有難則不死出亡則不從使斷獄則不中分財則不均 不當賢而罰不當暴則是為賢者不勸而為暴者不沮 政乎國家則賞亦必不當賢而罰亦必不當暴若為賞 則其所譽不當賢而所罰不當暴王公大人尊此以為 王公大人之侧則此不肖者在左右也不肖者在左右

人將何自至乎王公大人之側哉若茍賢者不至平

與謀事不得舉事不成入守不固出誅不疆故雖昔者 故富貴面目佼好則使之豈必智且有慧哉若使之治 也必藉良军故當若之二物者王公大人未知以尚賢 使能為政也建至其國家之亂社稷之危則不知使能 三代暴王禁紂幽厲之所以失措其國家傾覆其社 治之親戚則使之無故富貴面目佼好則使之夫無 人有一衣裳不能制也必藉良工有一牛羊不能殺 以此故也何則皆以明小物而不明大物也今王公

處乎萬人之官則此官什倍也夫治之法將日至者 爵高而禄厚故爱其色而使之焉夫不能治千人者使 治千人者使處乎萬人之官此其故何也曰若處官者 而與其愛是故不能治百人者使處乎千人之官不能 國家則此使不知慧者治國家也國家之亂既可得 知已且夫王公大人有所愛其色而使其心不察其知 以治之日不什修知以治之知不什益而予官什倍 而棄其九矣雖日夜相接以治若官官猶

身湯誓曰幸求元聖與之戮力同心以治天下則此言 聖之不失以尚賢使能為政也故古者聖王唯能審以 道先王之書此年之言也傳曰求聖君哲人以碑輔而 賢為政而亂者若吾言之謂也今王公大人中實將欲 治其國家欲修保而勿失胡不察尚賢為政之本也且 政也故以尚賢使能為政而治者夫若言之謂也以下 不治此其故何也則王公大人不明乎以尚賢使能為 以尚賢為政之本者亦豈獨子墨子之言哉此聖王之

接天下之政治天下之民此何故始賤卒而贵始貧空 尚賢使能為政無異物雜馬天下皆得其列古者舜 而不得食寒而不得衣勞而不得息亂而不得治者故 而富則王公大人明乎以尚賢使能為政是以民無饑 接天下之政治天下之民伊擊有華氏女之私臣親為 **歴山陶河瀬漁雷澤堯得之服澤之陽舉以為天子與** 庖人湯得之舉以為已相與接天下之政治天下之民 |說被褐帯索庸築乎傳嚴武丁得之舉以為三公與

乎天下也兼而愛之從而利之又率天下之萬民以尚 古聖王以審以尚賢使能為政而取法於天雖天亦不 以得其賞者也然則富貴為暴以得其罰者誰也日若 父母萬民從而譽之曰聖王至今不已則此富貴為賢 尊天事鬼愛利萬民是故天鬼賞之立為天子以為民 王堯舜禹湯文武者是也以所得其賞何也日其為政 辯貧富貴賤遠週親疎賢者舉而尚之不肖者抑而廢 之然則富貴為賢以得其賞者谁也曰若昔者三代聖

愛則此親而不善以得其罰者也然則天之所使能者 昔者三代暴王桀紂坐属者是也何以知其然也曰其 至今不已則此富貴為暴而以得其罰者也然則親而 新天侮鬼賤傲萬民是故天鬼罰之使身死而為刑戮 為政乎天下也兼而憎之從而賤之又率天下之民以 之德庸既乃刑之于羽之郊乃熱照無有及也帝亦不 不善以得其罰者誰也曰若昔者伯繇帝之元子廢帝 孫離散室家喪滅絕無後嗣萬民從而非之曰暴王

上事天則天鄉其德下施之萬民萬民被其利終身無 稷隆播種農殖嘉穀三后成功維假於民則此言三聖 后恤功於民伯夷降典哲民維刑禹平水王主名山川 在下明明不常鰥寡不盖德威維威德明維明乃召三 書吕刑道之曰皇帝清問下民有解有的曰羣后之肆 人者謹其言慎其行精其思慮索天下之隱事遺利 誰也曰若昔者無稷鼻陶是也何以知其然也先王之)故先王之言曰此道也大用之天下則不窕小用之

為甚僧所欲不得而所僧屢至自古及今未嘗能有以 人將馬取挾震威彊哉傾者民之死也民生為甚欲 俣夫無徳義將何以哉其說將必挾震威彊今王公大 人之德盖總乎天地者也今王公大人欲王天下正諸 同常則此言聖人之德章明博大植固以修久也故聖 之固若山之承不坼不崩若日之光若月之明與天地 聖人之德若天之高若地之普其有的於天下也若出 則不困修用之則萬民被其利終身無已周頌道之曰

子墨子言曰天下之王公大人皆欲其國家之富也人 百姓王公大人本失尚賢為政之本也若苟王公大人 聖人之厚行也 此王天下正諸侯者也今大人欲王天下正諸侯將欲 民之衆也刑法之治也然而不識以尚賢為政其國家 使意得乎天下名成乎後世故不察尚賢政之本也此 本失尚賢為政之本也則不能母舉物示之乎今若有 尚賢下第十

於天下使天下之為善者勸為暴者沮然昔吾所以貴 為政其國家百姓使國為善者勸為暴者沮大以為政 不忠信之士我將罪賤之問於若國之士孰喜孰懼我 孰喜孰懼我以為必能射御之士喜不能射御之士懼 將賞貴之不能射御之士我將罪賤之問於若國之士 我賞因而誘之矣日凡我國之忠信之士我將賞貴之 以為必忠信之士喜不忠不信之士懼今唯母以尚賢 諸侯於此為政其國家也日凡我國能射御之士我 當王公大人之於此也雖有骨肉之親無故富貴面目 財不能殺必索良宰有一衣裳之財不能制必索良工 民莫知尚賢而使能我以此知天下之士君子明小而 然則此尚賢者也與堯舜禹湯文武之道同矣而今天 **堯舜禹湯文武之道者何故以哉以其唯母臨衆發政** 下之士君子處居言語皆尚賢建至其臨衆發政而治 而治民使天下之為善者可而勸也為暴者可而沮也 不明於大也何以知其然乎今王公大人有一件羊之

雷王公大人之於此也則不失尚賢而使能王公大人 當王公大人之於此也則不失尚賢而使能建至其國 家則不然王公大人骨肉之親無故富貴面目美好 目美好者實知其不能也必不使是何故恐其敗財也 則舉之則王公大人之親其國家也不若其親一危弓 工當王公大人之於此也雖有骨肉之親無故富貴面 入好者實知其不能也不使之也是何故恐其敗財也 罷馬不能治必索良醫有一危弓不能張必索良 1

|三公使接天下之政治天下之民昔者傳說居北海之 能馬衣裳牛羊之財與我以此知天下之士君子皆明 敏定四庫全書 ▼ 使為樂師是故古之聖王之治天下也其所富其所貴 於小而不明於大也此譬猶看者而使為行人聲者而 得之服澤之陽立為天子使接天下之政而治天下之 故昔者舜耕於歷山陶於河瀬漁於雷澤灰於常陽喜 未必王公大人骨內之親無故富貴面目美好者也是 民昔伊尹為華氏女師僕使為庖人湯得而舉之立為


推而上之古者聖王既審尚賢欲以為政故書之竹帛 謀行其道上可而利天中可而利鬼下可而利人是故 為骨內之親無故富貴面目美好者哉唯法其言用其 洲園土之上衣褐帶索庸築於傅嚴之城武丁得而舉 王曰於來有國有土告女訟刑在今而安百姓女何擇 琢之縣孟傳以遺後世子孫於先王之書日刑之書然 者竟之舉舜也湯之舉伊尹也武丁之舉傳就也豈以 之立為三公使之接天下之政而治天下之民是故昔

貴而辟貧賤其若為賢為賢之道將奈何曰有力者疾 者得食寒者得衣亂者得治若飢則得食寒則得衣亂 堅年之言然口肺夫聖武知人以屏輔而身此言先王 以助人有財者勉以分人有道者勸以教人若此則飢 下言士君子皆欲富貴而惡貧賤曰然女何為而得富 之治天下也必選擇賢者以為其羣屬輔佐曰今也天 文武之道可及也是何也則以尚賢及之於先王之書 言人何敬不刑何度不及能擇人而敬為刑堯舜禹湯

賤哉口莫若為王公大人骨內之親無王公大人骨內 君子皆欲富貴而惡貧賤然女何為而得富貴而辟貧 骨肉之親無故富貴面目美好者馬故必知哉若不知 之親無故富貴面目美好者此非可學能者也使不知 使治其國家則其國家之亂可得而知也今天下之士 大人骨肉之親無故富貴面目美好者也今王公大人 則得治此安生生今王公大人其所富其所貴皆王公

辯徳行之厚若禹湯文武不加得也王公大人骨內之

為仁義求為士上欲中聖王之道下欲中國家百姓之 得此不勸譽且今天下之王公大人士君子中實將欲 禹有畢陶湯有小臣武王有閎天泰顛南宫括散宜生 若此則飢者不推而上之以是故昔者竟有舜舜有禹 也腐臭餘財而不相分資也隱匿良道而不相教誨也 姓皆攸心解體沮以為善垂其股肱之力而不相勞來 親属府蘇暴為禁紂不加失也是故以賞不當賢罰不 **窗暴其所賞者已無故矣其所罰者亦無罪是以使百**



利而天下和庶民阜是以近者安之遠者歸之日月之

飲定四庫全書 墨子卷二

敏定四庫全書管要卷一萬一千五十九 子部 墨子卷二

尚同上第十

墨子言曰古者民始生未有刑政之時盖其語人異

義是以一人則一義二人則二義十人則十義其人茲

於謂義者亦兹眾是以人是其義以非人之義故

相非是也以內者父子兄弟作怨惡離散不能相和

合天下之百姓皆以水火毒藥相虧害至有餘力不能

之以為正長正長既已具天子發政於天下之百姓言 欽定四庫全書 君既已立以其力為未足又選擇其國之賢可者置立 辯不可一二而明知故重分萬國立諸侯國君諸侯國 公既已立以天下為博大遠國異土之民是非利害之 未足又選擇天下之賢可者置立之以為三公天子三 是故選天下之賢可者立以為天子天子立以其力為 之亂若禽獸然夫明厚天下之所以亂者生於無政長 以相勞腐列餘財不以相分隱匿良道不以相殺天下

善不以告其上上之所是弗能是上之所非弗能非 故里長者里之仁人也里長發政里之百姓言曰聞善 所罰而百姓所毁也上以此為賞罰其明察以審信是 必皆非之上有過則規諫之下有善則傍薦之上同而 而不善必以告其鄉長鄉長之所是必皆是之鄉長之 有過弗規諫下有善弗傍薦下比不能上同者此上之 不下比者此上之所賞而下之所譽也意若聞善而不 曰聞善而不善皆以告其上上之所是必皆是之所非 同國之義是以國治也國君者國之仁人也國君發政 則國何說以亂哉察國之所以治者何也國君唯能壹 若不善言學國君之善言去若不善行學國君之善行 國君國君之所是必皆是之國君之所非必皆非之去 行學鄉長之善行則鄉何說以亂哉察鄉之所治者何 所非必皆非之去若不善言學鄉長之善言去若不善 人也鄉長發政鄉之百姓言日聞善而不善者及以告 也鄉長唯能賣同鄉之義是以鄉治也鄉長者鄉之仁

天下之所以治者何也天子唯能壹同天下之義是以 言去若不善行學天子之善行則天下何說以亂哉察 之所以罰百姓之不上同於天者也是故子墨子言曰 皆是之天子之所非皆非之去若不善言學天子之善 古者聖王為五刑請以治其民譽若絲縷之有紀罔罟 天下以治也天下之百姓皆上同於天一而不上同於 天則苗猶未去也今若天飄風苦雨凑湊而至者此天 國之百姓言曰聞善而不善必以告天子天子之所是

子墨子曰方今之時復古之民始生未有正長之時盖 之有綱所連收天下之百姓不尚同其上者也 尚同中第十二

其語曰天下之人異義是以一人一義十人十義百人

而非人之義故交相非也內之父子兄弟作怨警皆有 百義其人數兹衆其所謂義者亦益衆是以人是其義

離散之心不能相和合至乎舍餘力不以相勞隱匿良

道不以相教腐列餘財不以相分天下之亂也至如

請不能獨一同天下之義是故選擇天下贊閱賢良聖 獸然無君臣上下長幼之節父子兄弟之禮是以天 得而一也是故靡分天下設以為萬諸侯國君使從事 子三公既已立矣以為天下博大山林遠土之民不可 是故選擇天下賢良聖知辯慧之人立以為天子使從 亂馬明乎民之無正長以一同天下之義而天下亂也 知辯慧之人置以為三公與從事乎一同天下之義天 事子一同天下之義天子既已立矣以為唯其耳目之

| 飲定四庫全書 善傍薦之上有過規諫之尚同義其上而母有下比之 請不能一同其國之義是故擇其國之賢者置以為左 心上得則賞之萬民聞則譽之意若聞見善不以告其 告其上上之所是必亦是之上之所非必亦非之已有 施教曰凡聞見善者必以告其上聞見不善者亦必以 之義天子諸侯之君民之正長既已定矣天子為發政 右將軍大夫以遠至乎鄉里之長與從事乎一同其國

萬民以尚同乎鄉長日凡里之萬民皆尚同乎鄉長而 子政而一同其里之義里長既同其里之義率其里之 者聖王之為刑政賞譽也甚明察以審信是以舉天下 比而非其上者上得則誅罰之萬民聞則非毀之故古 不敢下比鄉長之所是必亦是之鄉長之所非必亦非 之人皆欲得上之賞譽而畏上之毀罰是故里長順天 一聞見不善亦不以告其上上之所是不能是上之 不能非已有善不能傍薦之上有過不能規諫之下

國君而不敢下比國君之所是必亦是之國君之所非 其能一同其鄉之義是以鄉治其鄉而鄉既以治矣有 善行鄉長固鄉之賢者也舉鄉人以法鄉長夫鄉何說 必亦非之去而不善言學國君之善言去而不善行學 率其鄉萬民以尚同乎國君曰凡鄉之萬民皆上同乎 而不治哉察鄉長之所以治鄉者何故之以也日唯以 之去而不善言學鄉長之善言去而不善行學鄉長之 國君之善行國君固國之賢者也舉國人以法國君未

善言去而不善行學天子之善行天子者固天下之仁 亦是之天子之所非必亦非之去而不善言學天子之 其國而既已治矣有率其國之萬民以尚同乎天子曰 之以也曰唯以其能一同其國之義是以國治國君治 國何說而不治哉察國君之所以治國而國治者何故 人也舉天下之萬民以法天子夫天子何說而不治哉 凡國之萬民上同乎天子而不敢下比天子之所是必

大型司 E Co Allo

察天子之所以治天下者何故之以也日唯以其能一

戒沐浴深為酒醴染盛以祭祀天鬼其事鬼神也酒醴 荐臻而至者此天之降罰也將以罰下人之不尚同乎 雪雨露不時五殼不熟六畜不遂疾笛戾疫飄風苦雨 粢盛不敢不蠲潔犧牲不敢不肥腯珪璧幣帛不敢不! 乎天者則天苗將猶未止也故當若天降寒熱不節霜 天者也故古者聖王明天鬼之所欲而避天鬼之所僧 同天下之義是以天下治夫既尚同乎天子而未尚同 以求與天下之利除天下之害是以率天下之萬民齊

其為政長也下者萬民有便利乎其為政長也天鬼之 所深厚而殭從事馬則天下之正長猶未廢乎天下也 為政若此是以謀事舉事成入守固上者天鬼有厚乎 萬民之所便利而能強從事馬則萬民之親可得也其 為政若此今天下之人口方今之時天鬼之福可得也 中度量春秋祭祀不敢失時幾聽獄不敢不中分財不 者何故之以也曰唯以尚同為政者也故古者聖王之 敢不均居處不敢怠慢曰其為正長若此是故出誅勝 墨子

此豈刑不善哉用刑則不善故遂以為五殺是以先王 法則此言善用刑者以治民不善用刑者以為五殺則 書以刑之道曰苗民否用練折則刑唯作五殺之刑曰 昔者聖王制為五刑以治天下建至有苗之制五刑 之書術令之道曰惟口出好與戎則此言善用口者出 亂天下則此豈刑不善哉用刑則不善也是以先王之 之以正長則本與古者異矣譬之若有量之以五刑然 而天下之所以亂者何故之以也子墨子曰方今之時 **庆匹庫全書**

道口夫建國設都乃作后王君公否用泰也輕大夫師 長否用供也維辯使治天均則此語古者上帝鬼神 也將以為萬民與利除害富貴貧寡安危治亂也故古 建設國都立正長也非高其爵厚其禄富貴佚而錯之 運役天下淫暴而一同其義也是以先王之書相年之 以治民也譬之若絲縷之有紀而網罟之有網也將 則不善也故遂以為讒賊寇戎故古者之置正長也 不善用口者以為讒賊寇戎則此豈口不善哉用 得非則是雖使得上之賞未足以勘乎上唯母立而為 立而為政子國家為民正長曰人可賞吾將賞之若尚 上下不同義上之所賞則眾之所非曰人眾與處於眾 以勸善而刑罰不足以沮暴何以知其然也曰上唯母同其上是故上下不同義若苟上下不同義賞譽不足 置正長之非正以治民也是以皆比周隱匿而莫肯尚 為便學宗於父兄故舊以為左右置以為正長民知上 者里王之為若此今王公大人之為刑政則文此政以 遭利下得而利之下有蓄怨積害上得而除之是以 王唯而以尚同以為正長是上下情請為通上有隱事 無正長之時同則此非所以治民一衆之道故古者聖 民正長賞譽不足以勸善而刑罰不可以沮暴則是不 是雖使得上之罰未足以沮乎若立而為政子國家為 與鄉吾本言民始生未有正長之時同乎若有正長與 政乎國家為民正長曰人可罰吾將罰之若苟上下不 同義上之所罰則衆之所譽曰人衆與處於衆得譽則

其徳音之所撫循者博美助之思慮者衆則其談謀 言曰非神也夫惟能使人之耳目助已視聽使人之吻 助之視聽者眾則其所聞見者遠矣助之言該者眾 助已言談使人之心助已思慮使人之股脏助已動作 知鄉里未偏聞天子得而罰之是以舉天下之人皆恐 子得而賞之數千萬里之外有為不善者其室人未徧 千萬里之外有為善者其室人未徧知鄉里未徧聞 動傷慄不敢為淫暴曰天下之視聽也神先王之

能以尚同為政者也是以先王之書周頌之道之曰載 其敢不賓當此之時本無有敢紛天子之教者詩曰我 六轡若絲載馳載驅周爰咨謀即此語也古者國君諸 馬維駱六轡沃若載馳載驅周爰咨度又曰我馬維騏 來朝聘天子之廷受天子之嚴赦退而治國政之所加 來見彼王曰求厥章則此語古者國君諸侯之以春秋 之所以濟事成功垂名於後世者無他故異物馬口唯

里日華全書!

速得矣助之動作者眾即舉其事速成矣故古者聖人

子墨子言曰知者之事必計國家百姓所以治者而為 東其人民治其刑政定其社稷當若尚同之不可不察 墨子曰今天下之王公大人士君子請將欲富其國家 罰當暴不殺不辜不失有罪則此尚同之功也是故子 侯之聞見善與不善也皆馳驅以告天子是以賞當賢 此之本也 尚同下第十三

卷三

之必計國家百姓之所以亂者而辟之然計國家百姓

也不得下之情則是不明於民之善非也若苟不明於 暴人而罰之也善人賞而暴人罰則國必治上之為政 情則亂何以知其然也上之為政得下之情則是明民 之所以治者何也上之為政得下之情則治不得下之 民之善非則以不得善人而賞之不得暴人而罰之善 於善非也茍若明於民之善非也則得善人而賞之 人不賞而暴人不罰為政若此國衆必亂故賞不得

之情而不可不察者也然計得下之情將奈何可故

是故天下之欲同一天下之義也是故選擇賢者立為 逮至人之眾不可勝計也則其所謂義者亦不可勝計 墨子曰唯能以尚同一義為政然後可矣何以知尚同 天子天子以其知力為未足獨治天下是以選擇其次 此皆是其義而非人之義是以厚者有關而簿者有爭 百姓為人是一人一義十人十義百人百義千人千義 之說乎古者天之始生民未有正長也百姓為人若茍 義之可而為政於天下也然胡不審稽古之治為政

立為三公三公又以其 家君是故古者天子之立三公諸俱卿之宰鄉長家 之内也是以選擇其次立為卿之宰卿之宰又以其 力為未足獨左右其君也是以選擇其次立而為鄉 持富貴游佚而擇之也將使助治亂刑政也故古 唯辯而使助治天助明也今此何為人上而不能 國設都乃立后王君公奉以 分國建諸侯諸侯又以其知力為未足獨治其四 知力為未足獨左右天子也 卿士師長此非欲用

日本公共 1

子墨子言曰然胡不賞使家君試用家君發憲布令其 見有罰也故計上之賞譽不足以勸善計其毀罰不足 使得上之罰而懷百姓之譽是以為暴者必未可使且 毀之若人唯使得上之賞而辟百姓之毀是以為善者 以沮暴此何故以然則欲同一天下之義將奈何可故 必未可使勸見有賞也上以若人為暴將罰之若人唯 然則義不同也若苟義不同者有黨上以若人為善將 其下為人下而不能事其上則是上下相賤也何故以

賞譽辟其毀罰是以善言之家君得善人而賞之得暴 治國之道盡此已邪則未也天下為家數也甚多此皆 家之所以治者何也唯以尚同一義為政故也家既已 罰之眾聞則非之是以禍若家之人皆欲得其長上之 若見愛利家以告亦猶愛利家者也上得且賞之衆聞 人而罰之善人之賞而暴人之罰則家必治矣熊計若 則譽之若見惡賊家不以告亦猶惡賊家者也上得且

家日若見愛利家者必以告若見惡賊家者亦必以告

實之衆聞則譽之若見惡賊國不以告者亦猶惡賊國 善者言之國君得善人而賞之得暴人而罰之善人賞 者也上得且罰之眾聞則非之是以禍若國之人皆欲 必以告若見愛利國以告者亦猶愛利國者也上得且 於國之眾曰若見愛利國者必以告若見惡賊國者亦 使家君總其家之以尚同於國君國君亦為發憲布令 是其家而非人之家是以厚者有亂而薄者有争故又 得其長上之賞譽避其毀罰是以民見善者言之見不 皮匹犀 全 · □ 賣之衆聞則譽之若見惡賊天下不以告者亦猶惡賊 告若見愛利天下以告者亦猶愛利天下者也上得則 東日若見愛利天下者必以告若見惡賊天下者亦以 之國是以厚者有亂而薄者有爭故又使國君選其國 能以尚同一義為政故也國既已治矣天下之道盡此 之義以義尚同於天子天子亦為發憲布令於天下之 已邪則未也天下之為國數也甚多此皆是國而非人

钦定日車全書 一人

而暴人罰則國必治矣然計若國之所以治者何也唯


尚同一義為政故也天下既已治天子又總天下之義 罰之天下必治矣然計天下之所以治者何也唯而以 皆欲得其長上之賞譽避其毀罰是以見善不善者告 天下者也上得且罰之衆聞則非之是以禍天下之人 之天子得善人而賞之得暴人而罰之善人賞而暴人 而治其家矣是故大用之治天下不窕小用之治一 天下矣中用之諸侯可用而治其國矣小用之家君可用 以尚同於天故當尚同之為說也尚同之天子可以治

猶淫辟者也故古之聖王治天下也其所差論以自左 家使天下之民若使一夫意獨子墨子有此而先王無 先人得之與人舉事先人成之先之譽令問先人發 右羽翼者皆良外為之人助之視聽者衆故與人謀事 此其有邪則亦然也聖王皆以尚同為政故天下治何 欽定四庫全書 一人 以知其然也於先王之書也太誓之言然曰小人見姦 乃聞不言也發罪鈞此言見淫辟不以告者其罪亦 ト墨

一家而不横者若道之謂也故曰治天下之國若治

若二目之視也一耳之聽也不若二耳之聽也一手之 之人皆未之均聞見也聖王得而賞之十里之內有暴 故古之聖王之治天下也千里之外有賢人馬其鄉里 唯信身而從事故利若此古者有語馬曰一目視也不 王為聰耳明目與豈能一視而通見千里之外哉一聽 人馬其鄉里未之均見也聖王得而罰之故唯毋以聖 而通開千里之外哉聖王不往而視也不就而聽也然 也不若二手疆也夫唯能信身而從事故利若此是

責以道其前明罰以率其後為政若此唯欲母與我同 愛民不疾民無可使日必疾愛而使之致信而持之富 百姓之利故當尚同之說而不察尚同為政之本而治 中情將欲為仁義求為士上欲中聖之道下欲中國家 将不可得也是以子墨子曰今天下王公大人士君子 也其以尚同為政善也是故子墨子曰凡使民尚同者 而使天下之為寇亂盗賊者周流天下無所重足者何





謄 修 飪 臣 能

觮 監 生

臣

鄒貽

詩

欽定四庫全書管要子等

詳校官主事臣陳木



然必知疾之所自起馬能攻之不知疾之所自起則弗 能攻治亂者何獨不然必知亂之所自起馬能治之不 欽定四庫全書管要卷一萬一十六十子部 知亂之所自起則弗能治聖人以治天下為事者也不 墨子卷四 A.) D LOL & d. In 疑亂之所自起則不能治譬之如醫之攻人之疾者 **秋以治天下為事者也必知亂之所自起馬能治之** 兼爱上第十四 墨子

為盗賊者亦然盗愛其室不愛其異室故竊異室以利 爱臣故虧臣而自利是何也皆起不相爱雖至天下之 而自利兄自愛也不愛弟故虧弟而自利君自愛也不 慈臣此亦天下之所謂亂也父自爱也不爱子故虧子 自利此所謂亂也雖父之不慈子兄之不慈弟君之不 自愛不愛兄故虧兄而自利臣自愛不愛君故虧君而 不孝君父所謂亂也子自愛不愛父故虧父而自利弟 可不察亂之所自起當察亂何自起起不相爱臣子之

四月全書

施不慈不孝亡猶有盜賊乎故視人之室若其室誰竊 矣察此何自起皆起不相爱若使天下兼相愛人若愛! 視人身若其身誰賊故盗賊有亡猶有大夫之相亂家 其身惡施不孝猶有不慈者乎視子弟與臣若其身惡 夫各愛家不愛異家故亂異家以利家諸侯各愛其國 其室賊愛其身不愛人故賊人以利其身此何也皆起 不相愛雖至大夫之相亂家諸侯之相攻國者亦然大 不愛異國故攻異國以利其國天下之亂物具此而已

子墨子言曰仁人之所 以為事者必與天下之利除去 為事者惡得不禁惡而勸愛故天下兼相愛則治相惡 國誰攻故大夫之相亂家諸侯之相攻國者亡有若使 諸侯之相攻國者乎視人家若其家誰亂視人國若其 則亂故子墨子曰不可以不勘愛人者此也 君臣父子皆能孝慈若此則天下治故聖人以治天下 天下兼相愛國與國不相攻家與家不相亂盗賊無有 定四庫全書 兼爱中第十五

主獨知愛其家而不愛人之家是以不憚舉其家以篡 其國不爱人之國是以不憚舉其國以攻人之國今家 害何也子墨子言曰今若國之與國之相攻家之與家 天下之害以此為事者也然則天下之利何也天下之 之相篡人之與人之相賊君臣不惠忠父子不慈孝兄 以不相爱生邪子墨子言以不相爱生今諸侯獨知爱 人之家今人獨知愛其身不愛人之身是以不憚舉其 不和調則此天下之害也然則崇此害亦何用生哉

必欺愚凡天下禍篡怨恨其所以起者以不相愛生也 愛則必相篡人與人不相愛則必相賊君臣不相愛則 相愛交相利之法易之然則兼相愛交相利之法將奈 天下之人皆不相爱強必執弱富必侮貧貴必傲賤詐 不惠忠父子不相爱則不慈孝兄弟不相爱則不和調 何哉子墨子言視人之國若視其國視人之家若視其 定四庫全書 以仁者非之既已非之何以易之子墨子言曰以兼 以賊人之身是故諸侯不相愛則必野戰家主不相

家視人之身若視其身是故諸侯相愛則不野戰家主 不侮貧子墨子曰然乃若兼則善矣雖然天下之難物 相愛則和調天下之人皆相愛強不執弱衆不刦寡富 今天下之士君臣相愛則惠忠父子相愛則慈孝兄弟 **欺愚凡天下禍篡怨恨可使母起者以仁者譽之然而** 相愛則不相篡人與人相愛則不相賊貴不傲賤訴不

文

足可華 各 糖

為之也昔者楚靈王好士細腰故靈王之臣皆以一飯 難之有特上弗以為政士不以為行故也昔者晉文公 之冠入以見於君出以踐朝是其故何也君說之故臣 與此異夫爱人者人必從而愛之利人者人必從而利 之惡人者人必從而惡之害人者人必從而害之此何 也尚君說之則士衆能為之況於兼相愛交相利則 士之惡衣故文公之臣皆料羊之表章以帶錢練帛

為節脏息然後帶扶牆然後起比期年朝有種黑之危

墨子言曰乃若夫少食惡衣殺身而為名此天下百姓 蹈火而死者左右百人有餘越王擊金而退之是故子 是其故何也君說之故臣能之也昔越王句踐好士之 利與此異矣夫愛人者人亦從而愛之利人者人亦從 在此越王親自鼓其士而進之曰士聞鼓音破碎亂行 勇教馴其臣和合之焚舟失火試其士曰越國之實盡 7所皆難也若苟君說之則衆能為之況兼相愛交相

Let by date

墨子

柱鑿為龍門以利煎代胡貉與西河之民東方漏之陸 渠孫皇之水北為防原派注后之印醇池之實洒為底 行之何以知其然古者禹治天下西為西河漁實以泄 能行之者也況乎兼相愛交相利則與此異古者聖王 此何難之有馬特上不以為政而士不以為行故也然 夫望太山而越河濟可謂畢却有力矣自古及今未有 之物也譬若挈太山越河濟也子墨子言是非其譬也 而今天下之士君子曰然乃若兼則善矣雖然不可行 **灾匹犀全**

王之事則吾今行兼矣昔者武王將事泰山陵傳曰泰 所雜於生人之間少失其父母者有所放依而長此文 慈是以老而無子者有所得終其壽連獨無兄弟者有 若日若月作光於四方于西土不為大國海小國不為 夷之民此言禹之事吾今行兼矣昔者文王之治西土 南為江漢淮汝東流之注五湖之處以利楚荆越與南 衆庶侮鰥寡不為暴勢奪穑人黍稷狗彘天屑臨文王 防孟諸之澤灑為九會以健東土之水以利冀州之民 ここりここに

|子墨子言曰仁人之事者必務求與天下之利除天下 其亂當兼相爱交相利此聖王之法天下之治道也不 言武王之事吾今行兼矣是故子墨子言曰今天下之 君子中實欲天下之士富而惡其貧欲天下之治而惡 蠻夷 醜貉雖有周親不若仁人萬方有罪維子一人比 山有道曾孫周王有事大事既獲仁人尚作以祗商夏 可不務為也 兼爱下第十六

自生此自爱人利人生與即必曰非然也必曰從惡人 之害也又與今人之賤人執其兵刃毒藥水火以交相 費之教賤此天下之害也又與為人君者之不惠也臣 之害然當今之時天下之害孰為大曰若大國之攻小 虧賊此又天下之害也姑嘗本原若眾害之所自此胡 者之不忠也父者之不慈也子者之不孝也此又天下 國也大家之亂小家也強之封弱衆之暴寡許之謀愚

賊人生分名乎天下惡人而賊人者兼與別與即必別

為已也為人之都若為其都夫誰獨舉其都以伐人之 若為其國夫誰獨舉其國以攻人之國者哉為彼者由 其家以亂人之家者哉為彼猶為已也然即國都不相 都者哉為彼猶為已也為人之家若為其家夫誰獨舉 之循以火放水也其說將必無可馬是故子墨子曰兼 子墨子曰非人者必有以易之若非人而無以易之譬 也然即之交别者果生天下之大害者與是故别非也 以易别然即兼之可以易别之故何也曰籍為人之國 定匹 厚全 言 吾本原别之所生天下之大害者也是故子墨子曰别 兼是也且鄉吾本言曰仁人之事者必務求與天下之 然即之交兼者果生天下之大利者與是故子墨子曰 生分名乎天下爱人而利人者别與兼與即必曰兼也 此自惡人賊人生與即必曰非然也必曰從愛人利 攻伐人家不相亂賊此天下之害與天下之利與即必 利除天下之害今吾本原兼之所生天下之大利者也 曰天下之利也姑嘗本原若衆利之所自生此胡自生

於定四車全書

子曰用而不可難哉亦將非之且馬有善而不可用者 子者有所侍養以終其壽幼弱孤童之無父母者有所 畢強相為動為宰乎而有道肆相教誨是以老而無妻 非而兼是者出平若方也今吾将正求與天下之利而 非兼者之言猶未止也曰即善矣雖然豈可用哉子墨 故依以長其身今唯母以兼為正即若其利也不識天 取之以兼為正是以聰耳明目相為視聽乎是以股肽 下之事所以皆聞兼而非者其故何也然而天下之士

士者執兼是故别士之言曰吾豈能為吾友之身若為 者必為其友之身若為其身為其友之親若為其親然 若此兼士之言不然行亦不然曰吾聞為萬士於天下 寒即不衣疾病不侍養死喪不葬理别士之言若此行 吾身為吾友之親若為吾親是故退睹其友飢即不食 姑嘗兩而進之誰以為二士使其一士者執別使其一 之疾病侍養之死喪葬埋之兼士之言若此行若此若 後可以為高士於天下是故退睹其友飢則食之寒則衣

東足り事会書→

墨子

必果使言行之合猶合符節也無言而不行也然即敢 問今有平原廣野於此被甲嬰胃將往戰死生之權未 之二士者言相非而行相反與常使若二士者言必信行 必寄託之於兼之有是也此言而非兼擇即取兼即此 乎哉以為當其於此也天下無愚夫愚婦雖非兼之人 提挈妻子而寄託之不識於兼之有是乎於別之有是 及否未可識也然即敢問不識將惡也家室奉承親戚 可識也又有君大夫之遠使於巴越齊荆往來及否未

言行拂也不識天下之士所以皆聞兼而非之者其故 退睹其萬民飢即不食寒即不衣疾病不侍養死喪不 惡能為吾萬民之身若為吾身此大非天下之情也人 其一君者執兼使其一君者執別是故別君之言曰吾 之生乎地上之無幾何也譬之猶馳駟而過隙也是故 擇士而不可以擇君子姑嘗兩而進之誰以為二君使 何也然而天下之士非兼者之言猶未止也曰意可 理别君之言若此行若此兼君之言不然行亦不然

欽定四庫全書 後可以為明君於天下是故退睛萬民飢即食之寒即 然即交若之二君者言相非而行相及與當使若二君 者言必信行必果使言行之合猶合符節也無言而不 衣之疾病侍養之死喪葬埋之兼君之言若此行若此 曰吾聞為明君於天下者必先萬民之身後為其身然 溝壑中者既已衆矣不識將擇之二君者將何從也我 以為當其於此也天下無愚夫愚婦雖非兼君必從兼 行也然即敢問今歲有應疫萬民多有勤苦凍飯轉死

墨子曰吾非與之並世同時親聞其聲見其色也以其 夫豈可為之物哉子墨子曰夫挈泰山以超江河自古 自先聖六王者親行之何知先聖六王之親行之也子 之及今生民而來未當有也今若夫兼相害交相利此 之不可為也猶挈泰山以超江河也故兼者直願之也 也猶未止也曰兼即仁矣義矣雖然豈可為哉吾譬兼 君是也言而非兼擇即此言行拂也不識天下所以皆 開東而非之者其故何也然而天下之士非兼者之言 墨子

言文王之兼爱天下之博大也譬之日月兼照天下之 新定四庫全書 / 濟濟有眾威聽朕言非惟小子敢行稱亂蠢兹有苗用 無有私也即此文王兼也雖子墨子之所謂兼者於文 之泰誓曰文王若日若月乍照光於四方于西土即此 所書於竹帛鏤於金石琢於縣盂傳遺後世子孫者知 天之罰若予既率爾羣對諸羣以征有苗禹之征有苗 王取法馬且不唯泰誓為然雖禹誓即亦猶是也禹曰 也非以求重富貴干福禄樂耳目也以求與天下之

湯貴為天子富有天下然且不憚以身為犧牲以祠說 帝心萬方有罪即當朕身朕身有罪無及萬方即此言 予小子履敢用女壮告于上天后曰今天大旱即當朕 禹求馬且不唯禹誓為然雖湯說即亦猶是也湯曰惟 利除天下之害即此禹兼也雖子墨子之所謂兼者於 取法馬且不唯誓命與湯說為然周詩即亦猶是也周 于上帝鬼神即此湯兼也雖子墨子之所謂兼者於湯 身履未知得罪于上下有善不敢被有罪不敢赦簡在

之所阿即此文武兼也雖子墨子之所謂兼者於文武 詩曰王道湯湯不偏不黨王道平平不黨不偏其直若 吾不識孝子之為親度者亦欲人愛利其親與意欲人 而害為孝乎子墨子曰姑嘗本原之孝子之為親度者 之謂也古者文武為正均分賞賢罰暴勿有親戚兄弟 也然而天下之非兼者之言猶未止曰意不忠親之利 取法馬不識天下之人所以皆聞兼而非之者其故何 矢其易若底君子之所履小人之所視若吾言非語道

道曰無言而不響無徳而不報投我以桃報之以李即 吾惡先從事即得此若我先從事乎 爱利人之親然後 之惡賊其親與以說觀之即欲人之爱利其親也然即 乎母先從事愛利人之親者與意以天下之孝子為偶 報我以愛利吾親乎即必吾先從事乎愛利人之親然 人報我愛利吾親乎意我先從事乎惡人之親然後人 而不足以為正乎姑嘗本原之先王之所書大雅之所 後人報我以愛利吾親也然即之交孝子者果不得已

故約食為其難為也然後為而靈王說之未踰於世而 之身荆國之士飯不踰乎一握據而後與扶垣而後行 之士所以皆聞兼而非之者其故何也意以為難而不 士臣三年以其知為未足以知之也焚舟失火鼓而進 此言愛人者必見愛也而惡人者必見惡也不識天下 之其士偃前列伏水大而死有不可勝數也當此之時 民可移也即求以鄉其上也昔者越王句踐好勇教其 可為邪嘗有難此而可為者昔荆靈王好小腰當靈王


此天下之至為難也然後為而上說之未踰於世而民 然後為而越王說之未踰於世而民可移也即求以鄉 之朝故直服為其難為也然後為而文公說之未踰於 上也昔者晉文公好直服當文公之時晉國之士大布 可移也何故也即求以鄉其上也今若夫兼相利此其 之衣籽羊之裘練帛之冠且苴之屨入見文公出以踐 不鼓而退也越國之士可謂顧矣故焚身為其難為也 而民可移也即求以鄉其上也是故約食焚舟直服

兼而務行之為人君必惠為人臣必忠為人父必慈為 為人之於就兼相愛交相利也譬之猶火之就上水之 就下也不可防止於天下故兼者聖王之道也王公大 有利且易為也不可勝計也我以為則無有上說之者 而已矣苟有上說之者勘之以賞譽威之以刑罰我以 人之所以安也萬民衣食之所以足也故君子莫若雷 定四庫全書

惠君忠臣慈父孝子友兄悌弟當若兼之不可不行也

人子必孝為人兄必友為人弟必悌故君子莫若欲為

此聖王之道而萬民之大利也 其所自而輕於立信是也 愛我父者乃是無父則必使人賊我父者乃是有父 愛人父然後人皆愛我之父何說無父若謂使人皆 乎是何異禽獸夷狄人也豈其有私憾而故托公言 相爱者乃是害仁則必使人相賊者乃不害仁乎我 兼愛者相愛之謂也使人相愛何說害仁若謂使人 以售其說邪然孟氏非若人矣趙文肅所謂不深考 十五



腾録監生 臣程 華代對官檢討臣襲大萬概校官庶吉士臣侍 朝